

南巡盛典

河防

卷四十五卷四十六

784
1.1.99
18



74
卷



南巡盛典卷四十五

河防

大學士公臣傅恒等遵

旨將南河河務一事與尹繼善嵇璜等公同酌議

現在毛城舖業經奉

旨堵閉將來黃流順軌直赴下游河身自可漸就

疏刷但徐州南北兩岸當上游之首衝北岸

孫家集現已築有草壩其汕刷支河務須查

勘填築而南岸隄工更宜迅為加幫以資捍

禦至洪湖五壩所以宣洩湖水其智信二壩
曾經奉有

諭旨非遇盛漲不得遽開但五壩過水既多而下
游承受僅高郵之車邏等三壩未免來多去
少應於昭關地方復設滾壩滾壩之下開一
支河更將南關舊壩改建滾水石壩其規制
便與高堰五壩相應再歸江諸河業於上年
開挑現在疏通而范公隄諸閘之下入海河
道應否設立閘座應請一併交於臣嵇璜會

同白鍾山逐一相度情形請

旨遵行謹

奏乾隆二十二年二月初六日奉

旨知道了著嵇璜明日就去欽此

臣白鍾山臣嵇璜謹
 奏為遵
 旨覆奏事竊臣同河東河臣張師載將銅沛廳屬
 黃河一帶應築應堵應疏各工親往逐一查
 看備細繕摺具
 奏恭請
 聖訓辨理臣於本月十三日回至徐州工次適副
 總河臣嵇璜來徐奉
 旨河南工務一摺令臣閱看會同覆

臣白鍾山臣嵇璜謹

奏為遵

旨覆奏事竊臣同河東河臣張師載將銅沛廳屬

黃河一帶應築應堵應疏各工親往逐一查

看備細繕摺具

奏恭請

聖訓辨理臣於本月十三日回至徐州工次適副

總河臣嵇璜來徐奉

旨河南工務一摺令臣閱看會同覆

奏 臣跪聆

天語洞悉全河機宜無微不至燭實爲萬世治河不易之良規竊查洪澤湖五壩共寬三百二十餘丈高郵車邏等三壩僅寬不滿二百丈誠如

聖訓來多去少難免壅遏之患自應上下相應方無偏枯之虞今軍機大臣等所議於昭關壩地方復設滾壩開一支河更將南關舊壩改建滾水石壩其規制與高堰五壩相應計其

來源籌其去路實屬量入爲出之道深合機宜至范公堤諸閘之下入海河道應否設立閘座併令同 臣逐一相度情形妥協籌畫請旨遵行敢不凜遵悉心籌辦仰體

聖主厯念河防之至意但 臣離南河日久恐水勢河道情形較前不同未敢懸揣妄議容 臣將黃河上游各工辦有就緒星卽馳赴下游一帶細加查勘務期籌酌萬妥恭

奏請

旨遵行抑臣更有請者高寶諸湖上承洪澤湖並
天長六合之水滙歸於運河由運河諸壩分
趨下注江海向來臨湖西岸設有出水港口
二三十座導水入運由港口東趨以資宣洩
最爲緊要若俟伏秋大汛洪澤湖水甚漲之
時始行開放則五壩齊趨高寶諸湖勢不能
容納往往洶湧奔注盈堤溢岸穿運而東無
怪乎興鹽高寶窪下之處不能容受卽地勢
少高之所亦難免淹漫之虞與其蓄之於平

時使湖河之水盈滿莫若預爲籌畫陸續宣
洩庶免驟漲之水一時并注爲害臣前任南
河時曾經

奏明於桃汛時視湖河水勢細察情形如河水
足資濟運毋庸蓄水卽先將西岸瀉高寶湖
水之港口預爲酌量開放俾湖水日逐宣洩
其勢自減而湖面騰出以待洪湖盛漲五壩
減下之水亦可容納湖河之水循序滙歸江
海不但下河地方不致受滄且藉此循序下

注之水可以插秧種稻較之壅滯偏高陡然
開放一時驟漲迥不相同仰蒙

聖允在案今可否仍照前例預將出水港口先為
開放以資陸續宣洩之處伏乞

皇上訓示遵行謹

奏乾隆二十二年二月二十七日奉
諭旨允行照辦欽此

臣 夢麟 臣 德爾敏 臣 尹繼善 臣 白鍾山 臣 嵇

璜謹

奏為遵

旨查辦事竊照江南黃河至徐州漸窄逼近城垣
北岸蘇家山一帶又復緊束大溜形勢甚險
仰蒙

皇上軫念民瘼親臨閱視指授方畧以近城石壩
最為緊要令將從前已有者加幫以培其勢
從前所無者接築以重其防不惜帑項興舉

鉅工仰見我

皇上智炳幾先酌籌盡善從此鞏固河防永資利

賴徐州紳耆士庶感激

天恩歡呼動地茲_臣等率同該道等凜遵

皇上指示機宜逐一詳細查勘東門一帶原無石

工之處自四大王廟迤東拐角樓石磯嘴至

人家頭止應接修石工三段計長一千三十

丈五尺又西門外奶奶廟迤西至韓家山埽

工後止應接修石工長五百三十四丈五尺

共應增建石工一千五百六十五丈所需石

料十一萬餘丈於就近蘇家山王家山等處

採取濟用核計各項工料共約需銀二十三

萬餘兩但此處河身窄狹溜勢湧急必須修

建堅固始能垂之永久應請照依乾隆十八

年堰盱石工之例加添汁米石灰鐵銷並甄

後築打灰土方足以資捍禦又約估增添銀

二萬餘兩通共約需銀二十六萬餘兩_臣等

已遴選幹員分投採辦尅期僱運仍多委員

弁上緊查催早爲預備齊全俟九月內霜降
水落之時開槽興工一舉集事其舊石工內
有應需收拾粘補者亦卽查明一併估辦庶
大工新舊一律整齊錢糧俱歸實用以仰副
我

皇上慎重河防至意所有

臣等遵

旨添建徐州石工加添汁米石灰情形敬謹繪圖

恭呈

御覽伏祈

皇上訓示謹

奏乾隆二十二年五月初三日奉

硃批好如議行欽此

山東巡撫 臣 鶴年 謹
奏為遵
旨會勘東省積水情形仰祈
睿鑒事竊 臣 等奉
命會查東省兗屬積水於五月二十一日抵濟寧
隨乘駕小舟遍歷被水村莊由濟寧之牛頭
河金鄉之水田寺魚臺之谷停鎮沙河滕縣
之戚城嶧縣之韓莊並抵沛縣之夏鎮銅山
縣之樂旺村周環查視查得五屬地畝界連

山東巡撫 臣 鶴年 謹

奏為遵

旨會勘東省積水情形仰祈

睿鑒事竊 臣 等奉

命會查東省兗屬積水於五月二十一日抵濟寧

隨乘駕小舟遍歷被水村莊由濟寧之牛頭

河金鄉之水田寺魚臺之谷停鎮沙河滕縣

之戚城嶧縣之韓莊並抵沛縣之夏鎮銅山

縣之樂旺村周環查視查得五屬地畝界連

南陽昭陽微山等湖本屬低窪雨水過多上游曹單鉅嘉等邑之水自西而來滙聚合流東則汶泗沂沭等河入運之水復洩入在西之南陽昭陽轉輪透流而總滙於微山一湖查微山湖出水之路有二一由韓莊湖口閘入運一由茶城及小梁山一帶會荆山橋入江南運河向來有此等處去路是以伏秋水勢雖大消落亦易自黃河北岸石林口漫溢之後茶城一河漸有沙淤迨上年孫家集黃河全溜直奔荆山橋而小梁山之河又加淤塞止有湖口一閘藉以消洩復因孫家集漫流入湖較往年更甚以致湖水益增倒漾而北兗屬等處瀕湖村莊田畝盡被淹沒兼以運河自石佛閘以下歷年汶泗等河發水亦大流沙停淤河底漸淺不能容受遂成內外相抵之勢河湖連爲一片積聚難消荷蒙皇上軫念民依將孫家集來水大加堵築固已截住來源而消涸有期矣今歲春間復蒙

年另

天恩特發帑金將小梁山至荆山橋口之舊河逐加挑挖是以高阜地畝漸次涸出現將已涸未涸頃畝數目臣鶴年另列清單恭呈

御覽但查自三月二十八日至今五月之杪湖水僅消一尺六寸不特東省積水尚多未涸卽附近之江南銅沛二縣地畝亦爲湖水所淹未見涸退臣等詳按情形備訪輿論現今小梁山之河雖已開挖而荆山橋出水仍未深暢茶城一河現在築壩挑濬尚未竣工又聞

江南中河之雙閘及駱馬湖六塘河現因重運經行亦未啟放是以湖水難消不能暢流臣查治水先須下游通利而後上游有所宣洩必俟茶城開壩流通無阻而六塘河又加疏濬駱馬湖水得以東下五州縣積潦始得遞次掣減臣等現飭地方官將各涸出之地先行寬裕借給籽種趕種雜糧其將涸未涸之地俟稍可用功亦飭酌量情形各開溝塘俾水有所歸而地亦可漸露惟一片汪洋水

勢深廣之區非宣洩有路不能卽行減退臣
等復集父老細加講求或言利國驛西樂旺
河應挑河九十里歸入江南運河或言湖口
閘之南應挑挖伊河四里仍入韓莊運河或
言韓莊南七八里之伊家河舊有河形應就
此河挑濬入運臣等按其所說俱親詣各該
處確勘情形樂旺一路山麓層疊不可開鑿
湖口閘南一路相距運河止四里卽便開通
亦不能大有宣洩惟伊家河一路相度地勢
較之他處似屬有益但茶城現在興工六塘
河亦議疏濬此兩處將來若能暢流則湖水
之出荆山橋者卽無阻滯而運河之出駱馬
湖者又由六塘河傍洩東省積水自當漸次
消涸伊家河一路卽可停止毋庸多費工作
現在臣鶴年一面飭委布政司會同運河道
差諳練人員測量地勢水面尺寸詳議會核
外俟臣裘曰修查看歸德及宿虹等處事畢
仍回東省再行詳加籌計應否仍需辦理另

行會同江南豫東督臣河臣撫臣熟商妥議具

奏總之於民生地方果有裨益不敢不留心採辦亦不敢輕舉妄動爲有損無益之事所有會同勘過積水情形謹繕摺恭

奏伏祈

皇上睿鑒訓示遵行又現今運河淤淺堤岸斷續

之處

臣

等正籌議間適河臣張師載自徐州

至韓莊與

臣

等所議意見相同據云應俟水

勢消減卽將斷續之堤岸淤澁之河道確估

修治會同

臣

鶴年另行摺

奏合併聲明謹

奏乾隆二十二年六月十三日奉

硃批知道了欽此

江南協辦河道總督臣嵇璜謹

奏為敬籌湖河宣導機宜并應疏應修工務仰

祈

聖訓事竊臣凜遵

皇上諭旨前往下河率同何焯悉心詳勘淮揚運

河東堤減入下河之水自邵伯以北者皆歸

海邵伯以南者皆歸江緣邵伯迤東地脉高

阜天然限制各有分途若欲使之向若歸虛

必順其就下之性臣查下河歸海之路從前

所建各閘丁溪小海地勢外高不能洩水其
草堰劉莊伍祐新興等塲皆得地勢之宜分
注鬪龍港新洋港等口歸海惟查劉莊塲之
大團閘至新興塲之石碓閘相距五十五里
中間並無一閘應請於伍祐塲之沿窪口蔡
家巷地方添建五孔石閘二座開挑上下支
河引歸新洋港入海又查石碓閘天妃越閘
兩牆裹頭尾土俱已塌卸應請一并修補堅
固又各閘下支河年久淤淺現在比閘底高
二三尺至四五尺不等應請勘估興挑又沿
海港口現俱深通惟射陽湖灣曲太大洩水
不暢竟有東西僅隔里許而南北繞一大灣
至數十里者應請勘估挑通俾得徑捷歸海
至於串塲河以西河渠甚多其導水順而現
今淤塞者如泰州之孔家涵鹽城之岡溝河
皮岔河三處應需疏濬深通以資利導又高
寶運河東堤原設石閘十餘座水大則藉以
洩水歸海水小則藉以灌溉民田甚爲有益

今查郎兒閘子嬰南閘并邵伯之三閘年久
傾圯應請拆修以利啟閉以上皆下河歸海
之路第查下河州縣本係水鄉形如釜底每
遇霖雨兼旬卽遭滄漫若高郵諸壩過水太
多盈科漸進方能歸海而下河已不免泛溢
查湖河水勢歸江近而歸海遠歸海紆迴而
歸江徑直多一分入江之路卽少一分歸海
之水臣查運河歸江之路芒稻閘董家溝石
羊溝廖家溝四處閘壩共寬八十六丈邵伯
以南運河東隄舊設有金灣六閘金灣滾壩
東西灣壩鳳凰橋壁虎橋灣頭閘等處共寬
九十餘丈上下相應用以導水入江今查東
堤僅金灣六閘并灣頭閘過水通計七閘口
門止寬十二丈八尺尚不如芒稻東西二閘
之寬鳳凰橋正南木橋過水甚爲微細東西
灣壩面本高金灣滾壩淤土久積以致運河
之水不能及時宣洩臣於五月內

奏明動支帑銀一千兩將金灣滾壩並鳳凰壁

計應請

虎二橋抽挖溝槽不過暫爲宣洩之計應請俟霜降後將金灣滾壩刨低一尺東灣壩改低二尺五寸鳳凰壁虎二木橋下淤灘一并挖深比運河底高七尺爲準再西灣壩形勢不順無庸挑挖應請將東灣壩添寬十二丈壁虎北木橋之上另開河頭十二丈添建木橋一座滙入壁虎橋引河內以資宣洩又金灣閘底尚高應將北閘底改低一尺查上年已經兩淮運使會同淮揚道估有成數應請

之上另

照案辦理東灣鳳凰壁虎等橋壩外支河應請照所改壩脊一律挑深方得湍流無滯又邵伯西岸諸港口爲湖水遞入運河之咽喉內有蔡花港奶奶廟港陳家港紅橋港久經淤塞臣於五月間

奏明疏濬已經完竣惟查邵伯諸湖遞注之引河多有淺阻不通平時不能暢流每致停蓄積水盈滿湖中應請將黃子湖通連朱家湖之湯家絆引河改向西南疏濬寬深再朱家

湖通連董家湖之王家莊地方開挑新引河一道引水直注董家湖以達孔家橋形勢灣曲應請於東首另挑引河入尤家窪下接挑新河一道由蕪城墩後引入越河再將越河加挑寬深節節引導諸湖積水湍流入運由鳳凰壁虎二橋出廖家溝等壩歸江又查運河寶應之竹絡壩外灘漸高難資宣洩應請於竹絡壩之南三里溝地方建設滾水石壩一座庶山寶水勢可以平緩以上皆湖河歸

另挑

江之路至查宣洩機宜惟在冬春初夏若六月以後江面旣高潮汐又大雖盡開閘壩而洩減無多且山盱五壩寬三百三十丈又益以蔣家壩十八丈而歸江閘壩止八十餘丈來水幾五倍於去水必須長年開放寸寸洩減俾高寶諸湖預留過水之地斯不致壅滯爲患但查芒稻閘河乃兩淮鹽艘必由之路若下板堵壩以濟鹽運則河工坐悞機宜若全開閘壩以利湖河則鹽船恐致淺阻期於

兩不相妨庶可行之久遠臣悉心諮訪或稱
另開運鹽河道或稱於人字河築壩建閘二
說皆不可行臣查灣頭至丁堰之運鹽河道
現在深淺不一竟有淺至尺許者所以芒稻
閘一經啟板卽虞淺阻應請將運鹽河道勘
估興挑以芒稻西閘底水深五尺爲度使運
鹽河內長存五尺底水則鹽船可以遄行而
沿河閘壩可以長年啟板旣有利於河工亦
無碍於鹽運再查下河各州縣小港支渠不
可數計豈能普例興挑查康熙年間每歲令
下河居民挑濬渠港著有成效應請責成地
方官於農隙之時查明田間水道有湮塞淺
隘之處傳集里民按照地畝辦理佃戶出力
業主給食逐年開挑挑出之土卽堆成圩岸
以護田疇是在有司善爲督率則地方日有
起色每年將所挑各河造報督撫稽考數年
以後庶渠港通達旱澇有備至籌辦應修各
工內歸江者應請列爲急工歸海者應請列

爲緩工其歸江工程須在九十月間興工方
爲有益仰懇

皇上勅下督河撫鹽諸臣會同確議如果應行興
舉卽速確估具題務於秋汛後刻期僱辦以
收實效再各工內所需銀兩有隸屬水利應
於江蘇藩庫內動支有隸屬鹽務應於兩淮
運庫內動支隸屬河工應於河庫內動支者
統俟會議分別辦理合并聲明臣謹繪圖貼
說恭呈

御覽伏乞

皇上訓示施行謹

奏乾隆二十二年六月二十四日奉到
上諭恭載於前

兩江總督 臣 尹繼善謹

奏為酌籌沛縣疏濬事宜仰祈

聖鑒事竊 臣 自省起程馳赴徐州於七月初四日

接署撫印即往沛縣查勘該縣地本低窪昭陽微山諸湖接連環繞東省濟泗汶滕山水奔注滙歸向有護城堤一道以防水道近緣東省連年雨水坡河下注過多加以去年孫家集之黃流漫溢倒灌本年夏間又復陰雨連綿僅恃小梁山茶城入荆山橋尾間宣洩

來源多而去路少以致水勢不能驟消現已
派委專員酌動庫項多購料物將護城堤工
加謹修防俟水退後再行奏請動項加帮高
厚以期鞏固惟疏消積水以冀涸復地畝播
種春麥爲目下第一要務查湖水去路除荆
山橋外尚有湖口閘一處與韓莊閘相近雖
爲蓄水濟運亦係洩水尾間向係山東河員
經管該閘金門僅寬一丈數尺現在湖水較
前加長濟運已嫌其過多卽開門長行開放
不足以資暢洩臣現在咨商山東河撫諸臣
或添設滾壩或添建閘座使湖水得以暢出
入運庶可望其漸消又小梁山茶城之水俱
由荆山橋流入運河然必運河之中無所壅
滯庶水得以暢流臣查山東有沂河一道自
北向南流入駱馬湖近因水大於邳州之盧
口向西散漫入運河之水過多與荆山橋洩
下之水相阻不能通暢似此層層阻遏皆爲
沛縣受病之由臣已委員前往盧口悉心相

度俟可動工卽行動項堵築使沂水不能入
運以速湖水去路現在親往各處詳細查勘
通盤熟籌凡於洩水有益者另行奏請辦理
所有_臣酌籌沛縣疏洩事宜謹繕摺恭

奏伏祈

睿鑒訓示再淮徐海屬等處被災州縣雖輕重不
等俱係積歉地方辦理不容稍遲_臣遴委多
員分路查勘并飭道府督率辦理_臣於勘河
之便親往稽察將極貧戶口照例先行撫卹

一月其應得正賑較常年早為放給以濟災
黎合併陳明謹

奏乾隆二十二年七月十六日奉到

上諭恭載於前

等須慎重妥辦不得視為泛常草率了事所需帑項如有不敷卽於鹽庫項下動支仍將辦理情形據實奏聞欽此欽遵仰見我

皇上軫念下河民生以期宣洩合宜永慶奠安之

至意臣等欽遵

諭旨查照嵇璜原奏歸江工程尤爲緊要現在遴委幹員分段承修并委大員查催督辦於九月內卽行興工尅期儻辦俟急工完竣歸海各工卽行接辦臣等於動工時卽親往悉心

經理所需帑項照例分別動支如有不敷卽於鹽庫項下支用臣等凜遵

聖訓董率屬員慎重妥辦斷不敢視為泛常草率了事除一面將應修各工據實確估會

題外所有現在辦理緣由合先恭摺覆

奏伏乞

聖鑒謹

奏乾隆二十二年八月初九日奉

硃批知道了欽此

奏為籌辦疏洩湖水情形仰祈

兩江總督

臣

尹繼善謹

睿鑒事竊查南陽昭陽微山等湖衆流所歸水勢浩瀚宣洩之路有二一自江南小梁山茶城等處出口由荆山橋至王母山歸入運河一自山東湖口閘入運由得勝六里鉅梁萬年丁廟頓莊侯遷臺莊等八閘及江南之河清河定河成三閘經宿遷桃源過清河之雙閘以抵楊家莊一由草壩歸入黃河一由鹽河

閘壩下注入海此湖河之來源去路也臣因

湖口一閘過水無多應酌添滾壩使湖水得以暢出前已具摺奏明并咨商臣張師載鶴年酌辦在案臣又細加籌計自湖口閘以下

因蓄水濟運設有各閘層層關鎖河身未免窄狹至水大時賴以宣洩者全在各閘之越河也今查自湖口閘以至黃林莊山東運河長七十餘里得勝等八閘各有越河以閘門越河并計較之正河尚不甚窄自黃林莊以

至貓兒窩江南運河長八十餘里現在水面寬二十三四五丈不等河清河定河成三閘各有越河以閘門越河并計較正河窄至五六丈不等各閘層層收束原爲蓄水濟運今當急籌宣洩自宜隨時變通現在會商河臣白鍾山將河清河定河成三閘越河委員估計再各挑寬五丈約需銀三千餘兩則湖口閘并荆山橋下去之水可以更得暢流再宿遷運河北岸有王家溝草壩一處現在駱馬

湖水由壩口流入運河雖係常年舊制但此時以宣洩微山湖水爲要有此王家溝之水入運橫截未免上源來水被其阻遏已商之白鍾山飭令廳營速將王家溝相機堵閉又查清河縣之雙閘原係草壩亦有正河越河漕船過後拆去草壩已寬三十二丈今又拆去四丈共寬三十六丈以達尾閘去路目下楊家莊口門出水甚暢並有鹽河閘壩一股向東分流運河下游不致有所阻滯荆山橋一帶欽奉

諭旨仍須廣爲疏通責成夢麟再加開濬

聖明指示極爲精詳臣親往荆山橋上下遍加查

勘從前橋洞過水十九孔今已過水五十餘孔上下河身均屬通順再加開濬愈暢愈爲有益查夢麟原奏善後事宜摺內亦稱積淤生灘之處應行疏濬挑切臣自當協同夢麟實力辦理并將茶城小梁山湖口出水處所俟水勢稍落可以煞壩再行疏濬深通總之

湖水不消時時上厓

睿慮尾閭能多宣洩一分上游卽少一分灌浸臣

悉心採訪百計圖維凡有關於疏洩機宜無不殫竭心力黽勉辦理以期民困稍蘇仰副我

聖主愛養元元之至意臣現在由運河各閘前往

邳州查勘沂河將如何減水入運之處詳悉籌畫另行會商具奏并前往宿遷桃源清河沐陽海州安東一帶將應修河道親行相度

外謹將籌辦運河疏洩情形繪圖貼說恭請

訓示謹

奏乾隆二十二年八月初九日奉

硃批此奏頗屬盡心如所議速行仍恐疏洩不暢應再悉心講求欽此

奏為會勘宿靈虹積水情形籌辦疏濬事宜仰

祈

聖鑒事竊臣等奉

命查勘宿靈虹積水茲臣裘曰修於七月二十日

由河南入安省之宿州境經靈璧虹縣至下

江宿遷縣之歸仁集安河口將三州縣積水

處所去來情形週遭相度臣高晉先於六月

下旬勘災時亦經逐一查過今在虹縣相晤

悉心講求所勘水勢情形相同伏查宿靈虹等處所有每年被水之由緣豫省虞夏商永四邑之水畢注於宿州所恃以宣洩者惟濉河一道查濉河自徐溪口至符離集七十餘里河淤平岸河形全失自符離集至時村迤下至靈璧之霸王城一百數十里俱間段淤塞此濉河現在之情形也再查濉河因毛城舖等處減洩之黃水累年漫灌水過沙留積漸成淤然尚未至如今日之甚至上年毛城

舖天然閘峯山四閘陸續開放而毛城舖至本年四月底始行堵閉黃水直流已經一載是以徐溪口一帶竟成平陸此濉河上段之在宿州者現在全行淤墊之故也濉河旣淤不能容納則豫省諸水及宿州四境山水散流漫衍遂於徐溪口南北分爲二股南一股自張家溝至猪羊山冲斷十五里堡驛路下至時村由唐溝歸濉河之下段入於五湖北一股自牛家樓至大山頭高皇壩於時村迤

下由三村歸濰河之下段亦入五湖此兩路所冲均有河形若照舊河正身挑濬現今徐溪口至符離集底岸淤平實難施工臣等公同商議濰河上段正身無庸挑挖擬卽就兩旁現在冲出之河形因勢利導分一河爲兩河開至符離集下仍入濰河正身俾上源散漫之水得以順軌分流其符離集下至靈璧之霸王城等處河身間段淤淺之處一律加挑深通以暢去路再霸王城下卽靈璧之五湖濰河界五湖之中自難於湖中濬河且揚曠土山陵子崔家孟山等五湖原係各爲一湖祇以上下頂阻水行濡滯年復一年今則五湖連爲一湖矣田沉水底民多遷移臣等細勘五湖形勢聯絡其地最窪卽多開溝渠亦屬無益不若捐之於水查明五湖內水沉地畝

題請蠲免將五湖聽其連成一湖以爲潴蓄之道至虹縣之板橋地方各小河口則濰河之

入五湖者至此復露河形東南一路趨謝家溝經古卞河入洪澤湖東北一路由烏鴉嶺經宿遷之歸仁閘下安河入洪澤湖今謝家溝雖屬深通但河頭河身俱覺淺窄應量行開寬而烏鴉嶺之下現有砂礮亦應挑挖以免阻礙至其餘支河在宿州則有彭家溝濶河栢山河靈璧則有斗溝拖尾河沱河虹縣則有荀家溝岳家河等處皆須一律疏濬以暢分流之勢虹縣又有潼河一道受水極大向由林子河經歸仁閘以東之涵洞歸入安河今林子河淤塞已久亦宜舍舊圖新從潘家山南之徐家冲開通以達董家溝歸安河入洪澤湖最爲徑捷凡此皆宿靈虹三州縣積水情形就_臣等所見酌擬之辦法也至烏鴉嶺董家溝安河係虹縣泗州宿遷桃源四州縣壤地相錯之境皆須會同辦理董家溝在宿遷境內已全行淤墊安河則界連桃源宿遷泗州三州縣亦間段淺阻金鎖鎮劉李

埂田家集陡門等處上下八十里爲入洪澤之咽喉尤爲緊要皆須逐段開挖必此處較上游深通而後濰河一帶之水順流直下達於洪澤施工次第當由此起現卽行文下江督撫諸臣再行確勘委員詳估以便及時辦理惟是下游之下復有下游洪澤一湖以清口爲出路前蒙

皇上指示河臣將草壩拆卸以暢其流江南官民皆仰賴

聖明照燭於數千里之外但每歲皆須應期開放俾上來之水隨來隨去則來者雖多而去者能速不致壅闕於一時矣若夫濰河雖治仍爲每歲減洩黃水之路必如何始免淤墊之患此又須督河諸臣通盤籌算熟思審處期於行之無弊而有效者也除將_臣等查勘情形及籌辦緣由謹遵

聖訓移咨侍郎臣夢麟督臣尹繼善河臣白鍾山張師載撫臣陳宏謀鶴年胡寶琮詳核或應

會勘或應會商公同妥議請

旨遵行再查七月初八日至十七等日毛城舖減
洩黃水下注宿州一帶已涸之地復被漫漚
水勢甚大難以估工現委鳳廬道寶善率同
府州縣并調下江熟於工程人員來安一俟
漲水消落卽勘明估計造冊另繪圖貼說具
奏合併陳明是否有當伏乞

皇上聖鑒訓示謹

奏乾隆二十二年八月十二日奉

上諭恭載於前

南巡盛典卷四十六

河防

臣 裴曰修 臣 夏麟 臣 鶴年謹

奏為挑濬引河以疏積水事竊 臣 裴曰修 臣 鶴

年於六月之初在於嶧縣韓莊之迤西查舊

有伊家河一道雖河形尚存而淤埂已久是

否開通得以疏消湖水 臣 等遽難定議應俟

委員確勘再行查辦具摺奏

聞在案 臣 裴曰修即前赴徐州河南等處查辦一

切臣鶴年回省之後卽委布政使阿爾泰運河道李清時會同確勘是否可開有無利益據實稟覆今據該司道稟稱會勘得伊家河舊有水溝形迹寬一二丈深一二尺不等隨沿河往東南履勘相度形勢及入運處所其河身段落自韓莊迤西舊有河形之伊家河開起至江南之梁旺城入運計程六十九里七分零一萬二千五百五十三丈河頭高於河尾一丈九尺四寸所開河面自應加寬但據洳河通判張克儉稟稱逐處挖井測驗下多砂礪刨挖需時恐悞放水未便加寬原議河面只寬七丈似覺稍窄今議定開寬八丈底寬四丈深一丈二三四尺不等河尾入運之處挑寬十丈使湖水得以暢流河頭處所係江南利國驛驛路所經請照兩江督臣所議於河頭建滾水石壩一座按河身寬八丈壩座金門應寬十一丈有零並酌建石橋以通驛路所需土方滾壩各工料原估需銀四

萬二千三百八十六兩零今河面加寬一丈
土方銀數加增另行估報如有河身開至民
間地畝之處亦卽照例查辦等因時值臣夢
麟到濟共相斟酌至韓莊詳悉相度洵屬應
行之事至徐復與臣裘曰修籌辦意見亦復
相同臣等伏查微山湖積水爲患以致濟金
魚等莊村久被淹浸時屢

宸衷諄諄訓誡惟期民生永奠衽席早登我

皇上宵旰圖維仰見匪朝伊夕臣等敢不竭力籌

辦設法疏消以上慰

聖懷惟是湖河一片去路甚微運河之水年來又
復盛漲而傍洩運河之漲者全賴支河分流
暢達無滯今河清等閘越河業經兩江督臣
尹繼善酌議開寬盧口等處又擬堵閉入運
之水旣分則來源漸少亦可日就疏消其下
游之駱馬湖臣夢麟臣尹繼善會商挑挖菱
溝港河二道由運河入海以資分洩至伊家
河實爲微山湖宣洩扼要之區今速行挑濬

南巡盛典 卷四十六 三
與荆山湖口三路爭流則奔騰無滯直注八
閘之外微湖積水自能遞掣而下臣等再四
詳查自應如該司道所議迅速辦理謹繪圖
貼說恭呈

御覽伏候

諭旨欽遵臣等現在酌商擬派兗沂曹道徐鐸運
河道李清時督辦並分派段落專員經理於
九月初七日興工臣鶴年另摺恭

奏外臣等仍不時往來親加查勘務期速竣厥

工庶上游可資宣洩而下游亦無滙注之虞

除移督臣尹繼善河臣白鍾山撫臣陳宏謀

高晉胡寶瑤臣等謹會同河東總河臣張師

載合詞恭

奏伏乞

聖鑒訓示謹

奏乾隆二十二年九月初七日奉

硃批如所議行欽此

聖鑒昭示
奏為
奏為
奏為

高晉
劉錫晉
工部
奏為

臣夢麟
臣尹繼善
臣白鍾山
臣嵇璜
臣陳宏
謀謹

奏為敬籌湖河宣導機宜仰祈

聖訓事竊惟淮徐海地方水患頻仍民罹災苦荷

蒙

聖心軫念宵旰憂勞

特命臣等悉心熟籌不惜帑金開濬河道以期消

弭災患拯救民生臣等恪遵

訓旨共同商酌通籌全局竊以湖河之水各有源

流支派要皆以海爲歸宿若下游去路不能
疏通則上流來源必多壅滯湖河正身不能
容納則民田廬舍卽受漫漭淮徐等處歷年
之被災皆由於此臣等親歷各處遍加查勘
細考受病之由詳求治病之法必使田間坡
水層層引導由溝渠以達湖河湖河之水節
節疏通由尾間以歸大海則源委並治支幹
兼修庶可蘇積困而收實效如山東與江南
接壤之南陽昭陽微山等湖積水未消亟宜
設法宣洩在山東僅由湖口閘入運過水無
多現在另行籌開伊家河至梁旺城入運江
南運河經邳宿桃清一由楊家莊出口會黃
一由鹽河閘壩滙六塘河入海現在運河俱
屬寬深各閘越河已經奏明再加開展運河
內如有砂礮淺滯間段應濬者并行相機辦
理惟因沂河之水自盧口旁洩由沙家徐塘
二口入運過多有阻微山湖水經行之路經
臣尹繼善奏明酌辦臣等親往細看沂河源

出山東河寬百餘丈行至邳境盧口地方正
流由駱馬湖六塘河歸海旁流由盧口壩分
注入運祇緣舊壩口門寬至八十丈且未築
石底年久刷深以致旁流過多淹沒邳境民
田阻礙運河宣洩亟宜籌辦但沂水來源甚
大若遽行堵閉不但暴漲之時全注六塘爲
宿桃清沭之患倘遇運河水小之年無以接
濟亦甚有關係再三相度擬將石壩裹頭接
長中間祇留口門寬三十丈并築亂碎石壩

祇

底以爲節制使沂水多半歸湖祇留二三分
濟運但目下運河之水惟患壅滯無需接濟
應於盧口築做草壩將沂水堵截使涓滴不
得入運其邳境沂河尙屬寬深間有積沙淤
灘酌加疏濬兩岸土堰亦爲培修使沂水正
流暢入駱馬湖由六塘河歸海俾運河宣洩
微山湖之水得以全力下注庶可望其速消
至荆山一河原係分洩湖水之要路業蒙

皇上指示於小梁山內華山茶城開挑引河其有

沙積灘現之處現在凜遵

諭旨於荆山橋上下並出水湖口再加疏濬務使

暢流入運其荆山橋下游之彭家河又經

臣

夢麟奏准開濬現在趕辦此籌辦微山等湖

宣導入河歸海之情形也又勘得六塘河處

駱馬湖下游爲宣導沂水之要道駱馬湖尾

間有引河五道甚屬寬暢自引河以下滙爲

一河形勢窄狹亟宜開寬并將永濟橋酌添

一十二孔俾湖水暢注其六塘河內如有間

段淤淺及兩岸舊堰殘缺之處亦應修濬培

補又六塘河北岸宿遷境內凌溝地方向有

水口通砂礮河注於沐陽縣之沐河入漣河

歸海盛漲之時散漫四出波及民田今擬就

現有河路開挑寬深仍於凌溝酌建滾壩俾

節宣有制又桃源境內有港河一道亦係分

洩六塘河會沐入漣歸海年久淤淺應行挑

濬亦於河頭建築滾壩並將沐河舊堰酌加

修補使六塘得有分洩之支下游可免爲壑

南巡盛典 卷四十一
之患至六塘河下尾在海州地方與鹽河交
滙由武障義澤項冲東門白蜆牛墩六里等
河歸海口門間有淺阻俱加疏濬並將鹽河
加挑寬深現有之洩水各壩減低二尺其例
應商人辦者仍歸商辦臣等派官監督俾鹽
運洩水兩有裨益惟義澤項冲二河與武障
下游同歸北潮河紆迴灣曲宣洩不能通暢
今查義澤河下游舊有小冲河一道年久淤
墊應行疏濬深通則洩水更爲徑直又東門
白蜆牛墩六里等河由六道溝滙入北潮河
與武障義澤同歸一路未免壅阻今查東門
河下游現有五圖河河形淤塞應行開挑深
通俾下游尾閘多一入海之路庶千里長流
咸順朝宗之勢自無橫溢之虞此籌酌六塘
河分導沂水入海之情形也再河南夏邑永
城等縣之水向由濰河下注江南宿靈虹之
楊疇泗山等湖經宿遷之烏鴉嶺桃源之安
河抵泗州陡門入洪澤湖出清口會黃歸海

近年河道多有淤阻業經臣裘曰修臣高晉
會同查勘將應行挑濬之處具摺奏明內有
烏鴉嶺安河董家溝等工係下江宿遷桃源
所管乃濰河五湖之水歸入洪澤湖尾閘更
爲緊要現在委員確估趕辦惟各水多歸洪
澤則出口務須宣暢查清口之束水二壩業
蒙

聖明指示汛前早行拆卸俾得暢流自當永遠遵
守其冬間收束之時亦宜相機斟酌如湖水
足留敵黃則口門酌量留寬不得收束太緊
其裴家廠張福莊等處引河俟水落之後通
身細看如有淤淺並加疏濬使湖口出水得
以暢達此籌酌濰河入湖并湖水入海之情
形也以上應開各河道或因舊河淺窄而加
挑寬深或因來源寬廣而添籌去路皆係上
接鄰省下聯數郡之幹河所當首先興舉其
餘一州一邑山泉坡水連界接疆滙而成河
必須因勢利導使之水由地中如碭山之利

民溝永定溝豐縣之食城河蕭縣之歐邵河
爛石河銅山之奎河房村河睢寧之沈家河
白山河邳州之武河燕子河艾山河宿遷之
北岸民便河蔡家閘引河羅家河桃源之姜
胡窪河清河縣之包家河民便河郭家河周
橋河山陽之十字河太平河烏沙河安東之
民便河舊鹽河阜寧之穿里河戴家溝河海
州之高墟口王官口丁家溝等河沭陽之分
水沙河以上均係支流於民田俱有關係現

多淤墊脈絡不能貫通臣等詳加斟酌有必

須通身開挑者有止須間段疏濬者有疏洩
積滯添設閘洞者俱應因地因時逐一經理
使之入湖入河各有會歸現在督率道府選
帶熟諳人員分頭確估一面委員興挑臣等
往來督查限於年內告成以期積水消涸農
民及時播種仰副我

皇上念切痼瘼懷保黎元之至意所有敬籌湖河
宣導機宜謹備細具摺恭

奏並將各河源委繪圖貼說同臣嵇璜奏准下
河應濬河道一併粘簽恭呈

御覽是否有當伏乞

皇上訓示遵行臣等在徐州時與裘曰修高晉已

經詳細商定茲相隔遙遠未及會銜臣白鍾

山臣嵇璜因病未曾親勘今面同商酌意見

相同合併陳明謹

奏乾隆二十二年九月十一日奉

硃批覽奏頗得領要但須諸臣無分彼此和衷共

濟以慰朕南顧之憂仍須實力督催不可草率

塞責其共勉之圖留覽欽此

直隸總督臣方觀承山東巡撫臣鶴年謹
奏為遵

旨籌勘運河宣洩事宜恭請

聖訓事乾隆二十二年八月初六日欽奉

廷寄

上諭近年山東頻被水患而今年南運河更屬異常泛漲因思東省境內如徒駭馬頰及老黃河等皆古九河故道原為河水分注之區其遺迹故在特因循日久遂致湮塞若將南運河之水

南巡盛典 卷四十一
從此宣洩想當淌注迅速方觀承當往來德州
一帶閱視堵築第三屯決口或卽乘便前赴山
東會同鶴年將徒駭馬頰等舊日河身循行履
勘核其現在形勢如可由此放運河之水似亦
一宣洩之法但今昔異宜亦不必存膠柱之見
現今秋分已屆海受衆水之時應酌量導之入
海俾有所歸天津一帶凡有可開支河分減水
勢之處亦卽相度情形妥協籌議一併具奏總
期廣爲疏濬使尾閭通暢則水患自可漸消要
在師古人之意而不泥其迹斯得之耳著將此
傳諭方觀承鶴年等知之欽此又於八月二十
四日欽奉

廷寄

上諭鶴年所奏堵築三屯決口及挑濬支河一摺
內稱四女寺哨馬營二處皆運河歸海之路現
已興工挑濬等語朕前以運河異漲非洩之入
海不能消減是以降旨方觀承鶴年等令於徒
駭馬頰等處相度歸海之路設法疏濬原非欲

復九河故道總期於洩運河之水使之入海不
 必存膠柱之見今鶴年所奏四女寺哨馬營等
 處既為洩運尾閘此即朕諭中所及該撫等自
 當及時開濬以收疏導之益至此此外或尚有可
 資宣洩者亦應留心查勘次第辦理總之多一
 入海之路即多一洩運之路不必拘泥也著將
 此諭令方觀承鶴年等知之欽此臣方觀承欽
 遵於八月二十四日自天津起程由德州哨
 馬營四女寺一帶會同臣鶴年赴東昌府運

河東岸查勘馬頰徒駭二河復至東阿縣屬
 之張秋鎮迤南周廻閱視查得運河自汶上
 縣南旺分水處引汶入運北行三百八十里
 經東平東阿聊城博平諸境至臨清州衛水
 自館陶合漳水滙之又北行三百三十餘里
 經武城恩縣德州入直隸境歷吳橋東光南
 皮滄州青縣靜海天津以達於海除直隸境
 內運河有捷地興築二減河分流入海節年
 加濬深通現資宣洩經臣方觀承

南巡盛典 卷四十六
奏明在案其山東境內運河自德州至南旺共
七百一十二里內有德州哨馬營減水壩一
座寬三十丈壩面高運河一丈二尺又南五
十五里有四女寺減水壩一座寬八丈壩面
高運河一丈堤外老黃河一道卽古之鈎盤
河哨馬營壩下引河長五十里四女寺壩下
引河長九十里俱入於吳橋縣屬之玉泉莊
會流經寧津南皮樂陵鹽山慶雲至海豐縣
大沽口入海計長二百九十里自四女寺而
南又三百七十里過臨清州至博平縣之魏
灣有馬頰河一道係唐時黃河故道經清平
高唐恩縣樂陵慶雲至海豐之沙土河入海
計長五百七十里河頭十里之內設有減水
壩一座寬八丈壩面高運河八尺減水閘二
座每座口門寬一丈五尺底高運河七尺五
寸涵洞一座寬八尺底高運河五尺五寸自
馬頰河而南又五十五里至聊城縣屬之龍
灣有徒駭河一道卽古之漯水經博平茌平

高唐禹城濱州至霑化縣久山口入海計長
六百五十里河頭八里之內設有減水壩一
座寬八丈壩面高運河七尺五寸減水閘二
座每座口門寬一丈五尺底高運河七尺五
寸自徒駭河而南又一百三十里至東阿縣
屬之張秋鎮舊有五空橋一座寬十一丈五
尺底高運河一丈二尺又南二十五里舊有
三空橋一座寬八丈底高運河一丈五寸五
空之南三空之北乾隆十九年復建有減水
閘三座每座口門寬二丈底高運河一丈減
西岸沙河趙王河之水由堤外引河就近入
於大清河歸海自三空橋而南又一百二里
卽係南旺分水處爲汶水北入運河之始以
上七百一十二里中蒙

聖諭指示之老黃河馬頰徒駭三河所有減水壩
四座減水閘七座涵洞一座又三空五空橋
二座今年盛漲之時俱過水自三四尺至一
丈五尺不等現在尙過水自一尺至六尺不

等合計閘壩各口門共寬八十六丈三尺皆以宣洩運河盛漲入海其馬頰河河身寬自二十丈至一百餘丈容水爲多老黃河次之徒駭又次之此運河分減舊有之途徑也臣等欽遵先後所奉

訓旨惟期洩運多途不敢稍存膠柱之見茲查哨馬營壩口並壩下引河業經臣鶴年

奏明挑挖現在深通其四女寺壩外十二里有德州三十里鋪大橋橫亘高埂之上橋內水深三四尺橋外迤東至嚴家莊四十里內水止二三尺形勢不順自嚴家莊下接玉泉莊會流處中間四十里並無河身水勢散漫高低不一應行一律挑深自吳橋以下老黃河均於乾隆十四年水利案內抽挑子河迄今不無淤墊並葦草阻塞之處均應徹底疏通馬頰徒駭二河亦於乾隆十四年曾經挑濬節年水過沙停閘口引河尤多淤阻並須加挑河身之內亦多蘆葦盤結兼有民間捕魚

南巡盛典 卷四十一
土壩及道埂攔阻之處均應間段清理又馬
頰河於海豐境內將近入海處所有羊沽橋
支河一道現爲居民築堰斷流並應拆毀以
暢尾閘又各河所經橋座多有窄隘兩頭土
壩甚長束水不能暢流並須拆改展寬添設
木橋寬通水道俾無壅遏方爲妥協查各河
至海豐綿長數百里復多支河傍港臣等已
派委明白河員每處二人挨查自至海口逐
段測量水勢分晰開報但河身現皆過水其
寬窄深淺情形尙難查丈確實應請俟水勢
消退之後再行復勘分別工程難易或勸用
民力或動帑興修臣方觀承會同東省撫臣
河臣次第妥酌辦理期於支流暢達洩運有
資以仰副我

皇上指示機宜期於有備無患之至意再查張秋
運河西岸有沙河趙王河二道滙上游河南
之儀封延津直隸之長垣東明山東之鄆濮
范張諸境歷來橫衝入運每逢水發勢甚洶

湧而該處運河兩岸東高西下東岸所設之
三空五空橋及減水各開口門皆高運河一
丈至一丈二尺水勢不能暢消不獨運道阻
艱兼致附近州縣汎溢爲患本年八月盛漲
之時臣鶴年曾於三空五空橋之間新開之
南地名八里廟將運河東堤刨開數丈洩水
入大清河數日之內運漲頓落旁邑積水亦
消行之已有成效今臣李清時公同詳加相
度應請卽於此處建滾水石壩一座面寬十
二丈底高運河八尺比五空橋低四尺比新
建閘座低二尺遇八尺以上之水卽可由此
減洩隨長隨過不須啟閉兼有限制旣資分
導之利並收濟運之益相應一併請

旨交與新任撫臣會同河臣再行籌議奏請

聖訓辦理至直隸天津一帶支河祇係消洩境內
瀝水下通淀泊無關南運宣洩等情形業經
臣方觀承恭摺

奏覆在案所有臣等會勘各情形及籌辦緣由

理合繪圖貼說恭摺具

奏伏乞

皇上聖鑒訓示謹

奏乾隆二十二年九月十四日奉

硃批覽奏俱悉並有旨諭部欽此

山東巡撫臣蔣洲謹

奏爲恭陳查勘德州堤工情形事竊山東德州
衛所三屯四屯地方本年六七月間運河水
發各衝決堤口淹浸田廬臣赴任道經德州
於九月十四十五二日親赴各該處勘視查
三屯地方有哨馬營支河原爲宣洩運河之
水由海豐入海近年支河淤淺運河水無洩
瀉本年水大遂致衝決三屯堤口經陞任撫
臣鶴年親詣該地督率署德州知州吳祖修

將哨馬營橋洞開通使水洩疏始於老堤決口之外搶築月堤一道使運河之水不能流入三屯之水方得盡涸今老堤決口現尚水深工力難施應俟來歲春融方可填築於新築月堤內外堵禦庶可永資捍衛又四屯地方亦有四女寺支河藉疏運河之水亦俱淤淺支河高於運河今年運河水漲水難消洩將四女寺上游衝決兩口目下南岸決口已築月堤抵禦現在北岸決口未築因尚有武城縣菜家場決口漫入恩縣西北鄉下灌四女寺附近民田積水賴此決口洩瀉須俟水退後再行填築臣又查哨馬營支河由東省流入直隸復轉入山東海豐入海現在下游一帶悉屬淤淺以致水難暢流自易泛濫臣管窺之見先於哨馬營支河上游築一攔水土壩堵截河水將下游淤淺之處一律開濬深通之後拆去土壩俾水得暢流其四女寺支河係由東省老黃河而下合入海豐縣入

南巡盛典 卷四十一
海下游淤淺各處亦須逐一開濬此二處支
河均關民田耕種皆應及時急爲開濬使水
得暢流入海自可永慶安瀾其開濬工程應
請責令各該地方官各就境界分段承辦專
委濟東道稽查督率其哨馬營支河下游有
屬直隸地方者聽督臣方觀承委員承辦庶
各端責成辦理可期迅速再臣勘得德州運
河兩岸堤岸係保護民田廬舍例係民築民
修現在面寬二三尺底寬四五尺不等追溯
其源因河水日事衝激堤泥剝落是以堤身
日薄而河底日漸淤高現今運河水面高於
堤內民田且運河過往船隻絡繹停泊必在
堤身錠椿繫纜現多殘損水發之時漫決甚
易民力有限勢難責其加築寬厚此又保護
民間田廬必應早爲籌畫之處臣伏思我
皇上痾瘝在抱凡於民生有益莫不上厪
宸衷不惜帑金登斯民於衽席之安本年災稜之
餘災黎已荷

南巡盛典 卷四十六
聖主撫賑頻施無虞失所但賑畢之期在二月正值青黃不接之時臣愚伏懇

皇上天恩俯准動項將臨清以下一帶運河悉行挑濬深通其堤岸加築高厚務須面寬一丈底寬三丈於明年二月鳩工集事寓賑於工小民之利賴無窮矣如蒙

俞允臣再會同河臣逐一估計咨商直督臣方觀承會同請

旨遵行其餘東省水利工程臣甫經到任現擬將政務料理數日卽親赴各處逐加查勘會同欽差及河臣等籌議趕緊辦理務期一勞永逸息水患而安民業以仰慰

聖主宵旰厪念之德意所有途次查勘德州應辦工程情形謹先恭摺陳

奏伏乞

皇上睿鑒謹

奏乾隆二十二年十月初三日奉

硃批已有旨交劉統勳帶去爾等同心實力妥爲

之欽此

工部尚書... 聖主宵衣... 水患而突... 奏為奏明會勘東省水道情形籌辦疏濬事宜

臣 裘曰修 臣 夢麟 臣 張師載 臣 蔣洲 謹

奏為奏明會勘東省水道情形籌辦疏濬事宜

仰祈

聖鑒事 臣 裘曰修 臣 張師載於濟寧上下查勘 臣

夢麟 臣 蔣洲前後俱至韓莊會同籌議查得

山東應行疏濬之處兗州為要曹州次之其

故皆原於微山一湖積水不消以致宣洩無

路 臣 裘曰修與前撫 臣 鶴年六月間於微山

湖一帶相度地勢惟伊家河形勢最順檄令

藩司阿爾泰運河道李清時勘議嗣臣夢麟

與撫臣鶴年又細加講求奏請興工臣裘曰

修於九月初七日復到工所諭令將原估十

丈河請再行展寬數丈今已按段分工併日

僱辦總期十一月上旬完竣將來告成微山

湖積水建甌而下則濟寧金鄉魚臺滕縣嶧

縣以及江南之豐沛二邑地畝可以普行涸

出既有此宣洩之路卽伏秋盛漲亦必不致

如前此之壅闕不下臣等再詳求原委水消

之後更有應辦者在兗州言之魚臺縣屬有

舊運河一道係明代未開泇河之先舊行運

道也在今運河之西向雖年久不治河形尚

存且通舟楫今則淪入湖中幾及二載查此

河故道界微湖之西南上接濟寧牛頭河金

鄉之涑河柳林河由沛縣安家口鬪虎店至

銅山縣之玉皇廟出茶城十字河至荆山橋

入邳州之彭家河歸運若微湖消退之後疏

通此河并牛頭河涑河柳林河一併挑濬在

下游言之則直接現在之茶城河頭而脈絡貫通在上游言之則濟寧金鄉以下各州縣滙注之水皆有去路而水患可除矣又泗水河發源於泗水縣之陪尾山經曲阜縣滋陽鄒縣入濟寧州境歸魯橋濟運在滋陽鄒縣曲阜境內者向不爲患自濟寧州姚家莊以下河身愈下愈窄至張家橋等處寬不及四分之一在在淤阻致多泛濫迄今未消又白馬河自鄒縣北九龍山發源入濟寧孟家橋歸獨山湖濟運因中段之董家口與泗河相接泗河之尾窄隘不能容納每多旁溢遂漫入白馬河合流愈致淤阻今請於泗河白馬河二水並將河尾挑浚務俾各行故道勿致交阻則兩河分流消納亦易矣此均在伊河旣成微湖旣洩之後所應辦之工程也至現今可興舉者有府河係泗水分支向有金口閘俗名黑風口建涵洞二座由涵洞穿入府城至濟寧東關之楊家壩一出天井閘入運

南遊盛典 卷四十一
一會洸河入馬場湖今涵洞淤墊已在河底
來路既已壅滯至楊家壩又以用土堵築去
路亦復隔斷每歲俱有暴漲之虞今若將涵
洞改建減水閘一座楊家壩亦改建石閘一
座用板啟閉則上下通流且有節宣之制至
洸河會流入馬場湖之洸河每多旁溢查自
濟寧之興文鎮以下舊有河形一半入運一
半入馬場湖年久淤墊應請挑浚則兩河交
治矣此現今即可興作者也至曹州府則應

分二道言之其西南一道則自豫省之延津
滑縣封邱直隸之長垣東明等處坡水漫溢
而來是以明代建築太行堤之始卽沿堤開
河一道名曰順堤河長短起止悉與堤同使
順軌東流曹單等縣入江南豐沛境以達於
微湖自微湖水長此水不能下達以致每歲
爲災多有淤墊此亦在伊河旣成微湖旣洩
之後所應辦之工程也其東北一道則曹濮
范鄆壽張陽穀上承濮州定陶各坡河之水

俱從沙河趙王河二處入運由東岸之三空
橋五空橋及平水閘洩入大清河歸海而壩
底過高宣洩不及今歲衛河異漲運河爲其
頂阻倒漾而上遂多淹漫今直督臣方觀承
前撫臣鶴年奏請於八里廟添建滾水壩一
座臣等再加詳酌此處正當沙趙二河之衝
於地勢最爲切中但壩底仍高則泛漲之時
尚有不能暢消之慮今奉
旨俱放低改爲七尺以使過水仰見

聖鑒精詳之至應欽遵辦理總使平槽之水濟運
有餘而泛漲之時消滅亦易則曹州東面一
帶水患可除矣且不獨此也向來入運之水
無所宣洩泛溢於上則濮州范縣朝城莘縣
陽穀壽張等處固先受其患泛溢於下則鉅
野嘉祥濟寧金鄉魚臺諸縣亦爲所波及今
沙趙二河旣治則水之從東入大清河歸海
也地近而速不復從鉅野以下南灌金濟是
卽於竟屬言之治之於源頭亦止火息薪一

術至東省地勢臣等上下察看並詢之河員該地土人實係安山以南東高西下安山以北則西高東下東堤之外入大清河之路勢皆順利無虞倒漾若馬頰徒駭四女寺哨馬營等處皆爲東洩入海之路已前後奉

旨遣員分導是諸水皆有所歸東省數千里從此可免積潦之患臣等公同商酌意見相同謹

據實合詞陳

奏臣張師載臣蔣洲再逐細詳審確估並各支

港溝渠分別民力官工一切及時辦理以期

仰副

聖天子軫念民生之至意再查沂沭二水皆爲幹

河沭河至江南經沭陽縣入海山東境內尚

屬安流沂河正支入江南之駱馬湖旁支從

盧口入運向因入運太多臣等業經會議於

盧口建壩不使多洩以疏運河水勢今開沂

河入駱馬湖之正支受賢集等處多有淤阻

如此則恐夏秋水漲之時蘭山郟城易致泛

內尚

南巡盛典 卷四十一
濫臣等仍咨明江省將沂河入駱馬湖正支
再行疏通增入下江水道工程案內辦理合
併聲明仰祈

皇上睿鑒訓示遵行謹

奏乾隆二十二年十月十四日奉

硃批覽奏俱悉朕正慮沂州府屬每被水災摺內
有疏通駱馬湖之議速行妥協相度欽此

臣白鍾山 臣嵇璜謹

奏為奏

聞事竊查下河歸江歸海各工一案欽奉

諭旨令臣等督率屬員悉心妥協辦理俾下河民

生永有裨益欽此欽遵臣等與督臣尹繼善

當經飛飭該管道府選帶熟諳估計人員將

各處工程分頭確估上緊興修去後查湖河

水勢歸江近而歸海遠歸海紆迴而歸江徑

直是以臣嵇璜前奏內將歸江者列為急工

歸海者列爲緩工今查歸江之路固宜急辦而歸海各工其中亦有應行先辦者不便以列爲緩工遂使遲緩如歸海工內高寶運河東堤之郎兒閘子嬰南閘邵伯減水三閘水大則藉以洩水歸海水小則藉以灌溉民田今因年久損壞急應拆修完固以資啟閉阜寧之射陽湖改紆爲直移遠爲近則歸海逕捷宣洩甚暢不致阻壅水勢頗爲緊要泰州之孔家涵河鹽邑之皮岔河岡溝河係分導

西水之要路亟須疏濬深通以資利導又下河之石礎天妃越閘裏頭尾土俱已塌卸兩墻壁立若不急修恐致傾圮重防多費難以再緩以上俱係歸海緩工內應行先辦之工今與歸江急工俱已一併估定臣等於河廳營汛及鹽務人員內遴委幹員酌撥帑銀分段承修現在興工又將一切挑河建閘事宜給發條約委令道府大員實力查催嚴加稽察統限於年內一律如式完竣不使稍有草

率遲延 臣等敬遵

聖訓董率屬員悉心妥辦務使歸江歸海之路節
節疏通不致阻遏泛溢淹漫農田以冀仰副
我

皇上軫念下河莫安民生之至意所有歸江歸海
各工興修僭辦緣由理合恭摺會

奏伏乞

聖鑒再督臣尹繼善現在奉
差未及會銜合并陳明謹

奏乾隆二十二年十月十八日奉

硃批甚好知道了欽此

臣劉統勳 臣鶴年謹

奏為奏

聞事竊山東江南一帶河道工程關係民生漕運
上厪

宸衷指示 臣等實力查辦 臣鶴年現管山東巡撫
事務 臣劉統勳將應行事宜面加商確 漕臣
楊錫紱所請挑河築堰修理緯道整頓閘壩
等事俱需親身勘估派員分修至八里廟湖
閘以及盧口壩等處亦經撫河臣各抒所見

先後陳奏當此水落歸槽風日和暖之候正當覆加相度計日僱工惟運河南岸民堰一事既不應任其傾圮又未便過滋糜費則酌量賞給飯食照河撫臣胡寶瑒所奏給錢數十文之例俾無業貧民藉以餬口實屬公私有益臣等又思現在運河既需挑濬其挑出之土堆向兩邊卽係增培堤岸但中多泥濘未便卽用夯礮請目下以挑河作培堰旣可一舉兩便俟土乾之後仍照前例僱募民夫加以夯礮俾得整齊堅固旣可以防泛濫又足以利遄行俟臣鶴年前赴濟寧時與河臣張師載定議舉行臣劉統勳於再回工之時接續辦理謹此會摺奏

聞伏乞

皇上訓示施行謹

奏乾隆二十二年十月十八日奉

硃批好知道了欽此



--	--	--	--	--



